

OBSERVATIONES
DE
CAVTELA SOCINI
ET
QVANDO ILLA SIT INVUTILIS

PRAESIDE
CHRISTOPH· LVDOV· CRELLIO, ICTO
POTENTISSIMI REGIS POL· ET PR· ELECT· SAXON
S· R· I· H· T· VICARII, CONSILIARIO AVLICO
DIGEST· INF· ET NOVI P· P· ORDINARIO
CVRIAE PROVINCIALIS ET SCABINATVS
ITEMQVE ORDINIS IVRIDICI
ASSESSORE
ACADEMIAE VITEMBERGENSIS
H· T· RECTORE

DIE AVG· A· Q· S· P· EST clb Idcc XXXI

IN AUDITORIO ICTORYM
DEFENDET
CHRISTIANVS FRIDERICVS MEYER
IVTREBOC· SAXO

VITEMBERGAE
EX OFFICINA SCHEFFLERIANA.







I

FAVOR HAEREDITATIS LEGITIMAE ODIUM EXHEREDATIONIS CRUELITAS ET AVARITIA MATRUM



PSA quidem NATURA suos cui-
que liberos, quos illa propter
spem temporis futuri et posteritatis
edidit, et quorum successibus
et incrementis nervus reipublicae
inprimis continetur, ita commendavit,
ut his parentes non solum ante omnes
prospectum cupiant, sed omnem etiam
pestem et calamitatem, quamvis cum
detrimento quodam suo, a liberorum
capite tanto diligentius avertant, quanto

longius spem uitae suae et generis humani, etiam post fata, per liberos proferri arbitrantur. Hoc PAVLLO in mentem uenit, qui l. 8. §. 3. D. *quod met. caus. gest.* pro affectu, ait, parentes, si uis quaedam liberis inferatur, MAGIS in liberis terri. Quae cum ita sint, in illis gentibus inprimis, apud quas plus boni mores, quam alibi bonae leges, ualuerunt, SIVE CUIQUE LIBERIMEREDES sunt. a) Certe, si NATURALE plerorumque VOTUM audiamus, fructum sudoris sui ad suos liberos peruenire cupiunt parentes, aut, quod senex ille, qui iam decrepitis nouum opus in hortis inchoauerat, apud CATONEM, b) affirmauit, arbores posteritati serunt, illaque se iucunditate consolantur, quod animo praeuideant utilitates liberorum, quas suo ipsis labore pepererunt.

Quapropter SUSPECTAE sunt pleraeque heredum institutiones, quibus parentes, liberis parte aliqua exclusis, ad successionem uocant extraneos heredes: ut, nisi magna illos indignitate liberorum commotos esse appareat, actibus et fraude aliorum seducti et corrupti esse uideantur.

Sed IMPERATOR quidem Nou. XVIII. c. 3. VXORES maxime accusat, quarum blanditiis mariti ab ipso officio naturae auocentur. Multos enim, ait, non PATERNE, neque, ut VIROS oporteat, sed nimis MOLLITER ac REMISSE, institutiones facere VXORIBVS, ut si non proprietates, tamen usus-fructus, suprema parentis uoluntate liberis interuertatur. Est enim non leuis suspicio, ne matres, quamuis indulgentissime tractent liberos, maritorum hereditatem, cum sanguinis sui iniuria, subinde aucupentur, ut CONTEMPTVM VITAE suae, quem metuant, OPULENTIA ac rerum copia superent, et, neglectis abiectisque liberis, ad spem omnium ordinum et temporis futuri comparatis, in sua aula dominantur. Ita quidem GAIUS noster, cum matrum naturalium pudori pepercisset, de NOVERCIS suspicatur, quae NOVERCALIBVS DELINIMENTIS ET INSTIGATIONIBVS parentum ingenium corrumpant, ut MALIGNAE de sanguine suo

a) Tacit. de Moribus German. c. XX. b) Cic. in Caton. de Senect. c. 7. f.

suo sentiant in tabulis supremæ voluntatis. l. 4. D. de *Inoff. testament.*

Ex his igitur, quæ adhuc disputata sunt, non potest esse obscurum, quod NON FAVENDVM ESSE VIDEATUR parentis testamento, quo vel matri, vel alii heredi extraneo, CVM LIBERORVM FRAUDE et incommodo, prospexit. Sapienter enim IMPERATOR monet, SVBTILITER prospiciendum esse liberis, ne spes ipsorum iniuria parentum minuat. *Nou. XVIII. c. 7. f.* Quapropter vel infirmabimus, vel certe strictissime interpretabimur parentum potestatem, qua hereditates liberorum ONERANT ET INTERVERTVNT. Aperite enim PAVLLVS l. 19. D. de *lib. et posthum. hered.* præcipit, EXHEREDATIONES liberorum, et omnes malignas institutiones, interpretatione NON ADIVVNDAS esse; quamvis alias heredum institutiones benignius accipiamus.

Sed ita quidem EX IVRE CIVILI de hereditate liberorum disputamus. Si vocem NATURAE ET RATIONEM audiamus, certius videtur, nullam necessitatem parentibus imponi, hereditatem liberis, maxime ADULTIS, relinquendi. Enimvero officio defuncti sunt, qui viui illos aluerunt. Postquam fato perempti sunt, omnia parentum et officia et iura extinguuntur. Natura enim, quod alio a nobis loco comprobatum est, ignorat testamenta: et satius fuisset, arbitrio reipublicæ, cuius ornandæ et amplificandæ causa facti et procreati sumus, penitus permitti, ad quem illa velit hereditates mortuorum pervenire. Sed, postquam inualuit, suo patres familias iudicio deligere heredem; omnino multa sunt, quæ naturali ratione nos movere possint, ut LIBERIS inprimis prospiciamus testamento. Ut cetera taceam, illud expeditum est, DVRSISSIMA CONDITIONE plerumque usuros esse liberos, quibus hereditatis paternæ spes eriperetur. Non enim ipsis ignorantibus, parentum fortunæ cumulantur, et administrantur, ut NESCIANT, quam messem expectare possint. Ita aluntur, ita educantur, ut uideant, qua nascendi felicitate uti sint, ad quas spes se comparare possint. Eam vitæ con-

suetudinem eligunt, eam rationem ineunt, ad quam sequendam fortuna nascendi sufficere ipsosque inuitare uideatur. Quam expectationem si magna rerum conuersio, ex parentis testamento subsecuta, fefellerit, necesse est, opulentiorum ciuium liberos, in rerum omnium inopia uersari, et durius affligi, quam proletariorum liberos, quos parentum conditio et quotidiana cogitatio domesticae et hereditariae egestatis ad quoscunque casus indurauit.

II

LEGITIMA PORTIO
PLENISSIME ET SINE OMNI ONERE
RELINQUENDA EST.
PER CAUTELAM SOCINI
LEGITIMA ONERATUR

STRICTE igitur interpretamur supremam PARENTIS uoluntatem, qua de naturali illa liberorum hereditate aliquid detraxit. Sed, ne tamen parentes, propter liberorum cupiditatem, iucundissima illa dulcissimaeque uoluptate, quam ex amicitiiis exercendis dandisque beneficiis capimus, carere, et liberis omnia promiscue deglutienda relinquere, cogantur, primo, INTERPRETATIONE PRUDENTVM, introductum est, ut sufficeret, si liberis, ad exemplum LEGIS FALCIDIAE, QUARTA PARS HEREDITATIS a parentibus relinqueretur: cum liceret hereditatem, usque ad illam partem, legatis et fideicommissis exhaurire. Vt enim credam, a ICTIS duntaxat, post tempora AYGUSTI, hoc inuectum esse, PLINIVS SECVNDVS, Junior, a) apud me effecit. Ille enim, ut filium a matre exheredatum consolaretur, „si mater, inquit, ex QUARTA PARTE „scripssisset te heredem, num queri posses? Quid si heredem quidem instituisset ex asse, sed legatis ita EXHAUSIS- „SET, ut non amplius apud te, quam QUARTA, rema- „neret?

Ex

a) Plin. Epist. I. L. V.

Ex quo loco apparet, ad exemplum heredis extranei, qui QUARTA contentus esse debet, quamvis ex asse heres institutus sit, etiam liberis quartam hereditatis paternae maternae partem attributam esse a)

Sed, haec utcumque existimata fuerint, illud constat inter omnes, postea etiam LEGIBVS EXPRESSIS et Imperatorum constitutionibus non solum confirmatam esse prudentium de portione LEGITIMA opinionem, sed etiam auctam et amplificatam, ut imposterum liberis modo TRIENS, modo SEMISSIS deberetur. *Nou. XVIII. c. 3.*

Igitur, si non tota hereditas, certe PORTIO LEGITIMA liberis relinquenda est ex patrimonio parentum. Neque tamen in eo subsistit veterum diligentia, sed PORTIONEM illam liberis PLENISSIME uoluit relinqui. Ut reliqua taceam, quae copiosius ab aliis traduntur, illud meretur observari, quod IUSTINIANVS l. 35. §. 2. et l. 36. C. de *Inoffic. testam.* praecepit, liberos, quamvis IAM AGNOVERINT parentis iudicium, tamen, si postea appareat, MINVS LEGITIMA PORTIONE ipsis relictum esse, non prohiberi, quin postulare possint ab heredibus, ut portio legitima ab ipsis repleatur. Ideoque, etiam si fundus loco legitimae relictus sit, quamvis filius, agnoscens iudicium parentis, illo contentus esse uelit, tamen ubi ille uel totus, uel quoad partem aliquam, EVICTVS, et portio illa legitima nouis casibus, sine filii facto, quocumque modo diminuta fuerit, efficaciter experietur ad portionem legitimam REPLENDAM d. l. 36. pr. C. de *Inoff. testam.* Enimuero nequaquam TACITE RENUNCIASSE filius censebitur portioni legitimae, quam ipsius prudentia legislatoris definiuit: ut semper conqueri posse uideatur de legitimae portionis diminutione, nisi EXPRESSE pactus sit, QVOD CONTENTVS PARTE iam accepta, NULLAM praeterea cum heredibus habeat de legitima portione QVAESTIONEM. d. l. 35. §. 2. C. de *Inoffic. testam.*

Dice-

a) Gerard. Nood. ad Lib. V. digest. Tit. 11. p. 169.

Dicemus igitur TOTAM omnino illam portionem, quae legibus sit definita, liberis deberi, ut de illa, si forte casu quocunque deminuta sit, ab heredibus replenda, cum spe uictoriae, experiri possint. Sed IUSTINIANO quidem non satis est, TOTAM liberis portionem illam legitimam tribui, sed uoluit illam liberis etiam SINE ONERE, aut sine GRAVAMINE, relinqui. l. 32. C. de *Inoff. testam.* Quod ne cuiquam sit obscurum, ipse interpretatus est, CONDITIONES quascunque, itemque DILATIONES, MORAM, MODVM, et aliud denique quodlibet INCOMMODOVM liberis impositum, quo plenissimus illius portionis fructus et liberorum circa illam liberrima potestas perturbetur, pro ONERE et GRAVAMINE haberi, atque ita accipi, QVASI NIHIL EORVM omnino ADIECTVM ESSET testamento. d. l. 32. C. de *Inoff. test.* Imo uero uehementius alio loco commouetur IMPERATOR, et, parentem FAME LIBEROS NECARE, illosque OCCIDERE, affirmat, nisi ius plenissimum et liberrimum liberis in portionem legitimam ab ipso tribuatur: ideoque ne usumfructum quidem illius portionis liberis ad tempus aliquod eripi, aut matribus a testatoribus subinde assignari, permittit, sed et proprietatem et usumfructum iubet liberaliter ad liberos ex testamento peruenire. *Nov. XVIII. c. 3.*

Ex his igitur apparet, parentibus omnino nihil permis-
sum esse illarum artium et machinationum, quibus portionis legitimae uel quantitas uel libertas aliquantulum deminuat-
tur. Idem etiam PONTIFICI placuit, qui c. XVI. et XVII. X. de *Testament.* legitimam, uel NATVRALI iure, liberis SIMPLICITER deberi, ait, adeoque CONDITIONEM, et ONVS legitimae adiectum, omnino detrahendum, illamque portionem liberaliter, et sine omni incommodo, liberis a parente relinquendam. Sed SOCINVS a) *Iun.* quem et DECIVS b) et GVALDENSIS, c) et MENOCHIVS, d) et AN-

TONI.

a) Socin. *Iun. Consult. 122. in sec. dub.* L. I. Id. Consult. 112. n. 24. L. I. b) Decius consult. 688. c) Gualdens. de Arte testand. tit. de substit. caut. 31. d) Menoch. T. I. Conf. 71. n. 9.

TONIVS PEREGRINVS a) et alii fere trecenii longo ordine secuti sunt, inuenit formulam, qua liberis necessitas suscipiendi oneris, quod ipsam PORTIONEM LEGITIMAM restringeret, efficaciter imponi posse uideretur. Enimuero praecepit, ut filius, si onus, quod testator heredis institutioni adiecerit, suscipere detrectet, LEGITIMA PORTIONE CONTENTVS esse, et reliquam hereditatem alii restituere, in testamento iuberetur: ut ecce: FILIVS MEVS HERES esto: sed usumfructum hereditatis uniuersae matri suae relinquat, quae ipsi alimenta annua praestabit: si uoluntati meae non obtemperauerit, legitimam duntaxat portionem capiat: in reliqua parte matrem eius instiguo heredem.

Et SOCINVS quidem utitur non IMPROBABILI ORIENTV. Ait enim, hac cautione legibus, quae liberis certam portionem tribuerunt, satisfieri, si filius legitima contentus esse iubeatur: Neque uero filium recte conqueri, quod onus a parente, cum CONDITIONE, legitimae adiectum sit: quandoquidem filius, si legitimam partem haberet, etiam PURE a reliqua hereditate excludi potuisset: ipsi igitur iniuriam non fieri, cui optio detur a parente, utrum TOTAM hereditatem, quae ipsi NECESSARIO non relinquenda est, accipere CVM ONERE ADIECTO, AN PORTIONE LEGITIMA contentus esse, adeoque lucrum exiguum percipere, quam spem magnam, coniunctam cum aliquo incommodo, expectare malit. In quo argumento utrum recte senserit SOCINVS, operae pretium uidetur, ut diligentius expediamus.

R

III

a) Peregrin. de Fideic. art. 36. n. 62. p. 334. b.)

III

IVRE CIVILI ONVS FILIIS IMPOSITVM
 QVOAD TOTAM HEREDITATEM
 PRO NON ADIECTO ACCIPITVR
 NISI LEGITIMA EXPRESSE EXCEPTA SIT.
 SECVS IVRE CANONICO, ET VSV FORI.
 LIBERI OMNIMODO
 HEREDES INSTITVI NEQVEVNT
 SVB CONDITIONE, QVAE NON SIT
 IN IPSORVM POTESTATE.

Res erit luculentior, si a prima origine repetemus, quid induxerit SOCINVM, ut hac cautione, quam praescripsit, utendum esse crediderit parenti, qui totam liberorum hereditatem, atque etiam legitimam illorum portionem, onerare uelit. Sed hoc apparebit, si quaedam generaliter admonuero de CONDITIONIBVS, quae in liberorum hereditate a ueteribus admissae sunt: cum, illud argumentum non exiguam difficultatem habere uideatur.

Et primo quidem abscisse IMPERATOR ONVS hereditati LIBERORVM a parentibus impositum PRO NON ADIECTO habet, nisi expresse portio legitima sine onere fuerit relicta. At enim IVSTINIANVS, ita rem procedere, QVASI NIHIL eorum ADSRIPTVM ESSET testamento. l. 32. C. de *Inoff. testam.* Quae cum ita sint, dicemus, filium familias, quem pater ex assue heredem cum CONDITIONE scripserit, ex mente IVSTINIANI, pure institutum uideri, ut totam haere-

hereditatem consequatur, quamvis non paruerit conditioni; nisi legitima portio ipsi SINE ONERE expresse sit relicta. Enimvero si tota illa conditio, nisi legitima ab onere excepta et liberata sit, PRO NON SCRIPTA accipitur, quae potest esse dubitatio, quin tota hereditas, quasi pure relicta, filio ex testamento relinquatur.

Igitur, si IUS CIVILE audiamus, onus heredis institutioni simpliciter a testatoribus adiectum, pro non scripto habebitur, ut tota hereditas PURE filio relicta uideatur. Sed PONTIFEX uidetur Imperatoris sententiam interpretatione pervertisse. Ille enim, quamvis OBSCURE, onus toti hereditati a parente impositum, de PORTIONE LEGITIMA dumtaxat detrahit, ut illa PURE perueniat ad liberos, sed in reliquis partibus hereditatis acquirendis obtemperandum esse cenfet testatoris uoluntati, ut illis filius non nisi cum onere adjecto potiri posse uideatur c. XVI. et XVIII. X. de Testament.

Haec igitur prima dubitatio fuit, quae SOCINO in mentem uenit, cum de CONDITIONE liberis in heredis institutione a parentibus adscripta cogitaret. Sed accedebat etiam alia non leuior difficultas, quam IUS CIVILE conditionibus, heredis institutioni a parente adiectis, opponebat. Enimvero ueteribus placuit, filium non posse sub alia CONDITIONE heredem institui, quam quae IN EIVS POTESTATE esse uideretur. Ita PAPINIANVS atque ULPIANVS responderunt l. 28. D. de Condit. Institut. et l. 4. D. de Hered. Instit. Imo uero adhuc luculentius ALEXANDER l. 4. C. de Institut. et Substit. tradidit, non ualere patris testamentum, si filio adscripta esset conditio, quae non ab eius uoluntate dumtaxat, sed etiam a CASU et alio euentu, pendere uideatur: nisi forte filius ex causa idonea EXPRESSE EXHEREDATUS et in locum eius alius heres scriptus esset a parente, in hunc casum, si conditio non impleteretur.

B 2

Quan-

Quandoquidem vero his legibus nunquam postea derogatum est, plerique omnes, usque ad BARTOLVM, quod testatur PEREGRINVS a) et, meo quidem iudicio, RECTE censuerunt, etiam hodie conditionem CASVALEM, aut MIXTAM, liberis a parentibus adscriptam, non solum quoad legitimam, quae PVRE relinquenda est, inefficacem, sed de tota heredis institutione detrahendam esse, ideoque patris patrimonium, quasi nulla esset conditio, ad liberos simpliciter pertinere, nisi expresse in hunc casum in reliquis bonis, praeter legitimam, alius heres illis surrogatus esset, si liberi conditioni non obtemperassent. Haec igitur talia SOCINVM impulerunt, ut formulam excogitaret, qua testatores utrique difficultati mederentur. Itaque praecepit, ut EXPRESSE filius in LEGITIMAM duntaxat, sed PVRE institueretur, si conditionem toti hereditati adscriptam noluerit implere: ne tota illa conditio, secundum ius civile, pro non scripta haberetur: Deinde etiam liberos a reliquis bonis, praeter legitimam, EXPRESSE excludi et alium heredem ipsis surrogari voluit, si non agnoscerent conditionem: quod necessario fieri debebat, si conditio NON POTESTATIVA liberis imponeretur. Quapropter in hunc fere modum concipitur FORMVLA SOCINI: Filius meus heres esto, sed usumfructum omnium bonorum matri suae, quam diu uixerit, relinquat: si uoluntati meae non obtemperauerit, legitima portione contentus esto: in reliquis enim bonis matrem eius instituo heredem.

Sed ex his quidem, quae adhuc a nobis obseruata sunt, non difficile erit, iudicare, quo fructu et effectu parentes hac formula utantur.

IIII

a) Peregr. de fideicommiss. art. 36. n. 63. p. 335.

III

CAVTELA SOCINI
MAGIS POENAM
QVAM CONDITIONEM
CONTINET

IDEOQUE VETERI IVRE INEFFICAX FVISSET

SED VETERI quidem IVRE, prorsus non dubito, INEFFICACEM fuisse SOCINI cautionem, qua liberi bonis omnibus, praeter legitimam, in patris testamento excluduntur, nisi totam hereditatem, atque etiam legitimam portionem, CVM CONDITIONE et ONERE agnoscant. Enimvero disputatione uix indiget, magis POENAM, quam CONDITIONEM, SOCINI cautione contineri. MARCIANVS enim l. 2. D. de *Hu quae poenae causa relinquuntur*, POENAM ait a CONDITIONE testatoris voluntate maxime distingui. Iamvero nemo dubitabit, quin COGENDI COERCENDI-que heredis causâ testator SOCINI cautione uti uideatur. Id enim hac cautela a parente agitur, ut filio necessitatem imponat, qua onus portioni legitimae et toti hereditati ab ipso impositum accipere, et legis, quae portionem legitimam uult sine onere relinqui, beneficium dimittere, aut, si non obtemperauerit, damnum sentire, et, accepta portione legitima, reliquis partibus carere cogeretur. At uero aperte IMPERATOR §. ult. I. de *Legat.* POENAE causa relictum esse ait, quod coercendi heredis causâ relictum esse uideatur.

POENAM igitur continet SOCINI formula, et heredis coercendi cogendique causâ excogitata est.

B 3

Sed

Sed VETERI quidem IVRE non ualebar, quidquid POENAE et COERCENDI HEREDIS causa relictum esset. Ita enim AFRICANVS praecepit, l. i. D. de *His, quae poenae causae relinq.* Et iam antea SABINVS, heredis COGENDI et coercendi gratia ne quidem COHEREDEM efficaciter heredi scripto dari posse, obseruauit §. ult. I. de *Leg.* omnemque poenam respuit in testamentis. Neque enim rata fuit HEREDIS INSTITVTIO: Titius heres esto: si Titius Seio filiam in matrimonium collocauerit, etiam Seius heres esto. Quae enim cogendi heredis causa adiecta esse intelligebantur, pro NON SCRIPTIS accipi debebant.

Quae cum ita essent, nec SOCINI formula utilis fuisset, qua pater filium heredem scribit, et uxori suae relinquit usumfructum, sed filio, si non obtemperauerit, uxorem coheredem adiicit supremam uoluntate.

Et mihi quidem ueteres uidentur rectissime sensisse, qui negauerunt, in testamento, POENAE CAUSSA, posse aliquid relinqui. Nimirum ipsa potestas testandi patribusfamilias hac maxime ex causa iure prisco attributa est, ut haberent facultatem collocandi BENEFICIA, et bene de aliis etiam in supremo iudicio merendi: non, ut poenas constituerent, et iras exercerent. Quare liberaliter TIBERIUS CAESAR hereditates omnium repudiavit, nisi quas AMICITIA meritus fuisset: a) et saepissime rescriptum est, ne PRINCIPEM quidem agnoscere, quod PUNIENDI heredis causa, non ex testatoris in PRINCIPEM affectu, sit relictum. d. §. ult. l. de *Legat.* Non enim locus esse potest dubitationi, quin ex inuidia et seueritate in heredem potius, quam ex affectu et beneuolentia in substitutum aut coheredem, profecta sint, quae POENAE CAUSSA alii in testamento assignantur.

Sed,

a) Tacit. II. Annal. 48,

Sed, quamvis haec quidem verissima sint, tamen fauere SOCINO uidebitur correctio IUSTINIANI, qui OMNIA omnino testamenti capita, quamvis POENAM heredis contineant, RATA esse uoluit in suprema uoluntate l. un. C. de *His, quae poenae nomine.*

Vnum duntaxat excipit IUSTINIANVS, ut, si heredi aliquid LEGIBVS INTERDICTVM, aut PROBROSV, aut IMPOSSIBILE, imposuerit testator, et uel coherede dato, uel legatis POENAE nomine relictis, heredem cogere uoluerit ad iniquissimam eius uoluntatem adimplendam, tunc negligatur praeceptum testatoris, et hereditas quasi PVRE relicta, plenissime perueniat ad heredem institutum. Igitur superest, ut uideamus, an non PROPRII aliquid et FRAVDIS et INIQUITATIS contineat CAVTIO SOCINI.

V

CAVTELA SOCINI

ETIAM HODIE INEFFICAX EST,

SI FILIVS AD ONVS ALIQVOD

CONTRA LEGES SCRIPTAS SVSCIPIENDVM

COGITVR.

CONDITIO IN FRAVDEM LEGVM ADIECTA

PRO NON SCRIPTA HABETVR

NIMIVM ita sentio de CAVTELA SOCINI, quoties per illam liberis aliquid OBTRVDITVR, quod leges fieri PROHIBVERVNT, et liberrima illa circa portionem LEGITIMAM potestas constringitur et imminuitur, aut FACVLTA

IN.

INVESTIGANDI VIRES PATRIMONII et uerae quantitatis, quae portione legitima contineri debet, intercipitur, quod fere semper fieri uidemus, toties illam PROBRUM continere, et iniquam esse, et PRO NON ADIECTA merito habendam. Enimvero PVBlice interest, et magna providentia legislatoris constitutum, ut tandem aliquando liberi, post parentum mortem, ipsi aliquid in plenissima potestate habeant, quo se exhibere, res suas componere et ordinare, certam perpetuamque uitae rationem inire, suppellectilem et instrumenta artis suae instruere et comparare, nidum denique, in quo necessitatibus suis consulant et utilitates aliquas reipublicae procurent, facere, atque ita uitam demum inchoare posse uideantur. A cuius sapientissimae constitutionis fructu capiendo nulla conditione, nulla iactura, nullius metu IGNOMINIAE, in parentum testamentis sibi OSTENTATAE, deterri debent. Certe PERICVLOSVM EXEMPLO foret, liberos quacunque machinatione prohiberi, ne experiri possint, utrum PORTIO illa, lege definita, parentis iudicio ipsis interuersa sit, aut deminuta: quod uideo Illustrem LEYSERVM a) nostrum iam pridem obseruasse.

Illud expeditum est, si uel omnia alia recte se haberent, tamen IGNOMINIAM aliquam, qua pudor oneratur, liberis obii-ci, per SOCINI CAUTIONEM. POENAE enim CAUSSA a reliquis partibus hereditatis excluduntur, si BENEFICIO LEGVM VTI et onus legitimae adiectum detrectare audeant, aut inuestigare, an legitima ipsis, secundum praecepta legum, integra et salua a parente sit relicta. Sed quis, sine PVDORE, audiat, se, POENAE CAUSSA, et quia iussu parentis neglexerit, a parte aliqua hereditatis EXCVLSVM esse IVDICIO PARENTIS. Hac arte DIFFICVLTAS MAXIMA liberis obii-citur, ne legum beneficio libere utantur. Sed PAVLLVS in-

a) de Leyser Medit. ad Pandect. Spec. 93. n. 3. sq.

intercedit, ne liberis DIFFICULTATES ALIQUAE omnino opponantur, in hereditate parentum adquirenda l. 4. pr. et §. 1. D. de *Hered. Instit.*

Certe, si intelligerent parentes, suos subinde liberos, si per CAUTELAM SOCINI a reliquis partibus hereditatis excludantur, propter METVM IGNOMINIAE deterreri, ne onus legitimae impositum detrectent, aut quantitatem legitimae portionis sibi debitam inuestigent, frustra leges de LEGITIMA PORTIONE latae sunt, et nihil impedimento erit parentibus, quo minus, VXORVM delinimentis maxime illecti, quod GAIUS ait, iniquissime de sanguine suo statuunt, legumque saluberrima praecepta interuertant. Quid enim faciat filius, si pater ipsi in testamento usumfructum bonorum omnium, in uxoris gratiam, ademit, aut si praecepit, ne INVENTARIUM, aut SPECIFICATIONEM IVRATAM hereditatis paternae a matre, aut alio quocunque possessore, exigat, sed ut coeco obsequio omnino credat, optime sibi consultum esse. Hiscere non audebit, qui videat, si obloquatur, POENAM cum quadam ignominia coniunctam ex parentis testamento sibi imminere. Sed haec talia in FRAVDEM LEGIS a parentibus fieri et PERICULOSA exemplo esse qui non fateatur, ex illo uelim discere, quomodo quis possit proteruius aliquid in FRAVDEM legis machinari.

Atuero POMPONIVS prohibet, ne CONDITIONES, quae FRAVDEM LEGVM respicerent, in supremis iudiciis admitterentur. l. 7. D. de *Condition. Instit.* Et generaliter, secundum PAVLLVM, REMITTENDAE sunt CONDITIONES, quae CONTRA BONOS MORES inferuntur. l. 9. D. de *Condit. Instit.* Sed inter conditiones BONIS MORIBVS adversas hanc inprimis habet, si forte adscriptum sit: NE PATRONO ALI-

C

MENTA

MENTA PRAEBEANTUR. d. l. 9. de *Condit. Instit.* Iam uero, si contra bonos mores est, cogere heredem, ne patrono alimenta praebet; an non turpius uidebitur, si metu ignominiae cogatur filius, se ipsum fraudare ALIMENTIS, et legitimam portionem dimittere, qua si exuatur, reipublicae utilis esse nequeat. FAME enim NECARE liberos uidetur parens, qui hanc portionem liberis ademit, Nou. XVIII. c. 3.

Idem etiam MARCIANO placuisse uideo, qui l. 14. D. d. *Condit. Instit.* omnes, ait, conditiones contra Edicta, CONTRA LEGES, aut CONTRA BONOS MORES, aut DERISORIAS, aut illas, quas PRAETORES improbauerunt, pro NON SCRIPTIS accipi debere. Sed CONTRA LEGES esse uidebitur conditio, qua filius, cum metu ignominiae, prohibetur, ne ONVS adiectum LEGITIMAE detrectet, aut ne inuestiget, utrum uere sibi a parente LEGITIMA PORTIO relicta sit.

Inprimis uero in FILIIS receptum est, ne instituantur a parente sub conditione, quam SENATUS, aut PRINCIPES, improbauerunt. Ita enim PAPINIANVS respondit, l. 15. D. de *Condit. Instit.* Sed quis non uidet, improbaria Principe hanc CONDITIONEM, qua filio interdicitur, ne ONVS LEGITIMAE detrectet, neue INVESTIGET, utrum legitimam saluam habeat, utrum legi sit satisfactum a parente. Hanc certe cautionem non obicure IUSTINIANVS improbauit. l. 32. C. de *Inoff. test.*

VI.

CAVTELA SOCINI
IN FRAVDEM LEGIS INVENTA EST,
QUANVIS PER ILLAM LIBERIS
LEGITIMA SALVA RELINQVI
VIDEATUR

SATIS credo comprobatum esse, CAVTELAM SOCINI
FVDOREM ONERARE, et METV IGNOMINIAE liberos
subinde prohibere, ne beneficio legum uti, ne onus legiti-
mae adiectum detrectare, ne vires patrimonii inuestigare
possint. Sed utrum ex his, quae adhuc disputata sunt, se-
quatur, illam in FRAVDEM LEGIS inuentam esse, diligen-
tius excutiemus.

Nimirum plurimi negarunt, per CAVTELAM SOCINI
legibus FRAVDEM fieri, cum portio LEGITIMA, quae sola
liberis necessario relinquenda sit, in hac SOCINI formula,
sine omni onere, EXPRESSE relinquatur. Ipse enim IM-
PERATOR parentibus de reliquis bonis disponendi liberri-
mam videtur facultatem tribuisse. *Nou. CXVII. cap. i.* Quae
igitur FRAVS videri possit, si liberis suum, id est, portio
lege definita, sine onere omnino per cautelam SOCINI relin-
quatur.

Sed hos quidem interpretes seduxit PAPINIANVS,
qui l. 79. D. de *Reg. Iur.* FRAVDEM, ait, ex CONSILIO et
EVENTV iudicari. Iamvero nec CONSILIVM fraudis appa-
rere, aiunt, nec EVENTVM, si liberis, per cautelam SO-
CINI, LEGITIMA relinquatur, quae ipsis debebatur.

C 2

Verum

Verum enim uero nihil moueor, quo minus existimem, FRAVDEM LEGIBVS FIERI per SOCINI cautionem, quamuis legitima liberis salua relinquatur. Nimirum largior PRIVATIS, de quibus PAPINIANVS illo loco disputat, FRAVDEM nunquam fieri, nisi et consilio fraudis et euentu in damnum inducantur: Neque dissimulo, ex cautela SOCINI liberos non semper DAMNVM aliquod sentire, cum interdum plus lucrari possint, si TOTAM hereditatem CVM ONERE accipiant, quam si partem LEGITIMAM cum summa libertate nanciscantur. Sed in his negotiis, quae non tam IN FRAVDEM SINGVLORVM, quam IN FRAVDEM LEGIS potius, contrahuntur, FRAVDIS uocabulum laxius interpretatur.

Enimuero LEGI FRAVDEM FIERI dicimus, quoties CONSILIVM et FINIS legislatoris interuertitur, quoties MACHINATIO et DIFFICVLTAS aliqua excogitatur, quae quis uti legis beneficio et fructum ex lege capere prohibeatur, quoties inueniuntur artes quaedam, quae EXEMPLO PERICVLOSAE sint, et alios invitare possint ad eludendam legislatoris uoluntatem. Audiamus PAVLLVM atque VLPIANVM, qui l. 29. et 30. D. de *Legibus*, in fraudem legis alunt aliquid fieri, quoties saluis legum uerbis illarum SENTENTIAM circumuenimus, aut quoties id molimur, quod lex fieri NOLVIT, quamuis expresse non uetuerit.

Sed quis dubitabit, NOLLE legislatorem, ut legi suae quaedam DIFFICVLTAS et MACHINATIO obiciatur, quae legis beneficium peruertat, et malo exemplo alios alliciat ad delinquendum.

Quae cum ita fiat, non potest esse obscurum, IN FRAVDEM LEGIS inuentam esse formulam SOCINI. Voluerunt enim ueteres, liberrimam liberis LEGITIMAM relinqui et omne onus a liberis detrectari, quod legitimae adiciatur. Sed

Sed SOCINVS hac formula effecit, ut liberi metu IGNOMINIAE et damni deterreantur, ne onus legitimae impositionis detrectent, ne inuestigent, an legitima portio ipsis salua relinquatur. Ita parentes EXEMPLO inuitabuntur, ut, si uideant liberos rem inuestigare non ausuros, ipsi liberos legitima tacite, adiecto onere, defraudent, quamuis illos cum onere ex asse scripserint heredes. Sed, si IMPERATORES audiamus, quae IN FRAVDEM LEGIS excogitata sunt, INUTILIA sunt, et pro INEFFECTIS merito accipiuntur l. 5. C. de Leg. Imo uero maxime in heredum institutionibus obtinuit, secundum POMPONIUM, ut conditiones, quae AD FRAVDEM LEGVM respicerent, heredibus remitterentur. l. 9. D. de Condit. Instit. Hoc est, quod PAPINIANVS praecipit, PRIVATORVM CAUTIONE legibus non refragandum esse. l. 15. §. 1. D. ad Legem Falcid. quod et IULIANVS, in VETITIS VOLUNTATIBVS maxime, probauit, l. 5. §. 7. D. de Administr. et peric. tut.

VII

CAUTE LA SOCINI

LEGIBVS FRAVDEM FACIT

QUAMVIS DETUR LIBERIS ELECTIO,

UTRVM CONDITIONEM AGNOSCERE

AN LEGITIMAM SALVAM

HABERE MALINT.

EX ALTERNATIVIS CONDITIONIBVS

SI ALTERA TURPIS ET INIQUA EST,

NEVTRA VALET

ACCEPISTI accusationis nostrae praecipua momenta;
nunc de excusatione SOCINI uideamus.

Et multi quidem eius partes ex hac causa maxime defendunt, quod nihil clanculum a testatore fiat in formula socini, sed res aperte administratur, et liberis optio relinquatur, utrum hereditatem totam cum onere agnoscere, an legitimam duntaxat accipere, illaque integra et salva contenti esse malint. Neque enim liberi recte de illa formula conqueri videntur, cum sciant, quid agatur, cum utramque viam uideant, et alteram eligere possint, et rebus suis, utcumque visum est, consulere, et, ne quid damni accipiant, cauere. Negat enim VLPPIANVS recte illos fraudem aliorum accusare, qui sciant, quid agatur. l. 145 D. de *Reg. Iur.*

Sed his quidem satisfiet, si dicamus, ex ALTERNATIVIS CONDITIONIBVS NEUTRAM VALERE, si altera in FRAUDEM LEGIS concepta sit, et metuatur, ne quis, ELECTIONE data, ad INIQUAM conditionem accipiendam urgeatur. Tractauit simillimam speciem VLPPIANVS, l. 8. §. 5. D. de *Condit. Institus*. quam breuiter exponam. Testator aliquem sub IVRISIVRANDI CONDITIONE instituerat heredem. Sed CONDITIO IVRISIVRANDI, secundum MARCELLVM, pro TVRPI habebatur. l. 20 D. de *Condit. et demonstr.* Igitur testator, metuens, ne heredi conditio remitteretur, ALTERNATA CONDITIONE, praeceperat, ut uel pareat conditioni, et iuret, uel Titio mille exsoluat. Quaerebatur, an ualeret institutio: quandoquidem heres, si millia exsoluerit, securus sit, et necessitatem iurisiurandi euitare possit. VLPPIANVS respondit, VTRAMQUE conditionem remittendam esse, NE CONDITIO ALTERA IPSVM VRGEAT, ut iuret, et turpis conditionis necessitatem sibi imponi pariat.

Vix disputatione indiget, eandem rationem ineundam esse, si de CAUTELE SOCINI iudicemus. In hac enim non secus, atque in illa specie, quam VLPPIANVS proposuit, ALTERNA-

TIVA

TIVA CONDITIO adiicitur filio in heredis institutione. Nimirum iubetur filius uel totam hereditatem CUM ONERE, quod ipsam LEGITIMAM afficiat, agnoscere, uel LEGITIMA contentus esse, et reliquam hereditatem aliis permittere. Prior conditio iniqua est, et, quantum ad legitimam attinet, pro NON SCRIPTA haberi debet, cum legitimae portioni omnino nequeat onus aliquod imponi. Igitur nec posterior conditio ualebit, qua filius urgeri posset, ut consentiret in priorem conditionem, quam leges scriptae improbarunt. Hoc enim tanto magis timeri potest, quanto uehementius plerique metu cuiusdam IGNOMINIAE terrentur. Sed metui omnino posse ignominiam, si quis, quasi contumax, et improbus, in modum poenae, a bonis paternis, praeter legitimam, excludatur, et legitima contentus esse iubeatur, supra est a nobis comprobatum.

VIII

NON EXCUSARI POTEST CAUTELE SOCINI

QUAMVIS LIBERI LEGITIMA CONTENTI

ESSE DEBERENT

SI ILLA IPSIS SIMPLICITER

RELICTA ESSET.

QVAEDAM SIMPLICITER CONSTITVI POSSUNT

QVAE ALTERNATIVE CONSTITVTA

VIM SVAM PERDUNT

OPERAM perdere nidebimur, qui diutius haeremus in re manifesta. Sed, ne quid obtendi possit, breuiter tractabimus

Et abimus de alia SOCINI excusatione. Aiunt enim, IVSTISSIMAM esse formulam, qua subeatur filius LEGITIMA contentus esse, nisi paruerit conditioni, quae toti hereditati sit adscripta: Nullam enim iniuriam fieri liberis, qui contenti esse debuissent, si uel SIMPLICITER in parte legitima duntaxat heredes instituti et a reliquis partibus PURE exclusi essent a parente.

Sed huic dubitationi, quamvis non improbabilis esse uideatur, occurri potest, si admoneamus multum interesse, utrum aliquid PURE et SIMPLICITER constitutur, an cum CONDITIONE, quae in fraudem legis excogitata esse uideatur.

Nimirum, si pure filius a reliquis partibus exclusus et ex sola portione legitima heres institutus esset, appareret, SERIAM hanc parentis VOLUNTATEM fuisse, ut partes reliquae hereditatis in alium heredem transferantur. Huic igitur iudicio parentis filius merito obtemperaret. Sed cum, secundum SOCINI formulam, filius ex asse heres scribitur cum onere, et tunc demum, si hoc onus detrectet, iubetur legitima contentus esse, intelligitur; non illud SERIO et PRINCIPALITER actum esse a parente, ut filius tantum legitimam portionem habeat, sed, ut his minis filius cogatur, totam hereditatem cum conditione accipere, et onus etiam legitimae impositum, inuita Themide, agnoscere, cum partem illam prorsus integram et saluam habere debuisset.

Vt rem totam paucis comprehendam, conditione illa proditur animus parentis, ideoque intelligitur, patrem in FRAVDEM LEGIS aliquid MACHINATVM esse, et filio necessitatem oneris suscipiendi imponere omnino uoluisse, a quo ferendo liberos legislatoris providentia absoluit. Quod consilium cum periculosum EXEMPLO, et cum CONTEM-

PTV

RTV LEGIS coniunctum esse uideatur, merito remittitur conditio, et pro NON SCRIPTA accipitur, quasi heres PVRE et EX ASSE institutus esset a parente.

Hoc in mentem uenit MODESTINO, qui l. 195. D. de Reg. Iur. quaedam, si EXPRESSA sint, nocere ait, quae si non EXPRESSA essent, innocua fuissent. Enimuero si simpliciter legitima duntaxat relicta esset, nulla conditione liberis adiecta, sine dubio heredis institutio ualeret; sed cum conditio EXPRIMITUR et causa illa proditur, ex qua testator liberos, si non paruerint conditioni, legitima contentos esse uelit, infirmatur illud iniquissimum consilium parentis. Occurrunt sexcenta eiusmodi exempla, etiam in extraneis heredibus, quibus conditio remittitur, sub qua instituti sunt, quamuis testator illos praeterire aut PVRE excludere a tota hereditate potuisset. Eo pertinet illa species VLPiani, quam supra diligentius tractaui. Potuisset testator heredem PVRE et SIMPLICITER iubere, ut Titio mille exsoluat: sed cum hoc sub CONDITIONE alternata praeciperet, ut uel IVRARET, legibus inuitis, uel Titio mille solueret, remittenda est conditio solvendorum millium, ne per illam heres necessitate iurisiurandi oneretur. l. 8. §. 5. D. de Condit. Instit.

Sed occurrit et alia species non minus luculenta, apud eundem VLPIANUM, de qua l. 15. §. 1. D. ad Leg. Falcid. copiose disputauit: Frater sororem scripserat heredem: sed cum Seio centum donare uellet, sororem cum Seio pacisci iussit, ipsam Lege Falcidia non usuram esse, siñ secus fecisset, Seio centum daturam. Sed, quamuis frater Seio pure et simpliciter centum donare potuisset, tamen inutilis esse uisa est illa cautio, et sorori obligatio remissa, quod appareret, illud onus sorori in fraudem legis impositum fuisse. d. l. 15. §. 1. D. ad Leg. Falcid.

VIII

§1 HERES EDITIONEM INVENTARII

AUT IVRATAE SPECIFICATIONIS

CUM CAUTELE SOCINI

PETERE PROHIBETUR

ILLA PRORSUS EST INUTILIS.

POENA CONSTITUTA EST IN POSSESSOREM

HEREDITATIS

QUI LEGITIMAM INTEGRAM REDDERE,

DETRECTAT.

Sed frequentissime quidem formula Socini utuntur testatores, cum volunt EDITIONEM INVENTARII QUI IVRATAE SPECIFICATIONIS, quam dicunt, ab uxoribus aut hereditatis possessore exigi, sed his simpliciter fidem adhiberi praecipunt. Atvero in hac quidem specie omnium minime toleranda est cautio SOCINI. Hac enim si testator uteretur, aperte legi iniuria fieret, quae LEGITIMAM iuber liberis et TOTAM, ei SINE ONERE, relinqui. Neque enim constare posset liberis, an non portio legitima ipsis interuertetur. Sed admonendi sumus etiam POENAM olim in possessorem hereditatis fuisse constitutam, qui partem legitimam liberis reddere detrectat. IUSTINIANVS enim DUPLO eius avaritiam coercet, ut cum portione legitima, liberis alteram partem tertiam reddere cogatur, nisi statim, et sine strepitu iudicii, legitimam exhibuisset. l. 33. C. de *Inoff. test.* Hanc igitur testator POENAM eludere conatur formula SOCINI, aliamque POENAM, ex suo ingenio, constituit heredi, si illud audeat exigere, quod possessor, cum POENA legibus expressa, praestare iubeatur.

Sed,

Sed quis ferat, hominem privatum sua cautione IUS PUBLICUM mutare, et heredem iactura reliquarum partium hereditatis, in modum POENAE testamentariae, mulctare, ne POENA iuris publici locum inuenire possit.

X

IUDEX POTEST DESERERE

IUDICIUM PARENTIS.

TVTISSIMUM CONSILIUM

ADVERSUS FORMULAM SOCINI

VT OFFICIUM IUDICIS MODESTE

IMPLORETUR.

Ex his quidem causis, quae adhuc copiosius tractatae sunt, FORMULA SOCINI nobis non solum suspecta, sed etiam INUTILIS uidetur. Sed confido, tanto facilius me illas aliis approbaturum, quando certius, EXHEREDATIONI liberorum non fauendum, omnemque MALIGNAM INSTITUTIONEM strictius accipiendam esse, auctoritate PAVLLI et IUSTINIANI confirmatur l. 19. D. de *Lib. et posthum. Nou. XVIII. c. 3.*

Iam pridem hoc agnouerunt cordatissimi Iurisconsulti, qui SOCINO, in ipsis fere huius formulae incunabulis se opposuerunt. Ex multis aliis occurrit CAROLVS RVINVS, qui SOCINI formulam diligenter impugnauit. a) Idem ex ueteribus NICOLAUS SUPRANUS, b) in mentem uenit, qui et ipse non ferendam esse credidit SOCINI cautionem. Sed, ne quid dissimulem, uincimur numero illorum, qui consilium SOCINI amplectuntur. Quapropter raro illud

D 2

Iud

a) Carol. Ruinus Conf. 149. n. 13.

b) Nicol. Supranus Conf. n. 20. c. 32.

lud deferitur in foro, nisi appareat manifesta iniquitas crudelis testatoris. Neque tamen illis, qui hac formula in testamento onerati sunt, omnis spes intercipitur uictoriae forensis. Enimvero officio iudicis continetur, ne permittat, homines nouos, et, qui mortuo parente demum in suam potestatem veniunt, atque ad utilitatem reipublicae succrescunt, testatorum iniuria occidi, quod supra ex Nou. XVIII. c. 3. a nobis obseruatum est. *VLP*IANVS quidem certe l. 3. §. 3. D. de *Administ. et peric. tut.* luculenter praecipit, aliquando *RECEDENDVM ESSE* a iudicio parentis, si appareat aliquid minus penso consilio a parente constitutum. Facile enim propter summum affectum parentis, Praetor sibi persuadebit, testatorem omnino mutaturum fuisse sententiam, si intellexisset, quantam filio iniuriam fecerit in testamento.

Quae cum ita sint, *TUTISSIMVM* consilium uiderur, ut, qui cum *FORMULA SOCINI* oneratus est, non tam directe impugnet parentis iudicium, quam potius *IMPLO-
RATIONE OFFICII IUDICIS VTATUR*, et causas iniquitatis et iniuriae, ex parentis iudicio acceptae, modestius exponat, atque utrum a iudicio parentis recedendum sit, iudicis *ARBITRIO* permittat. Ita enim facilius, ut iniquitas illa corrigatur, impetrabit, et *PENAM* a testatore constitutam euitabit, cui, propter *STRICTAM* interpretationem, nunquam locum damus, nisi incontinentius et liberius impugnetur iudicium parentis.





* * *

*um funesta sonant per patulos undique pul-
sibus
Campos arma, manus dum rubeas sanguine
conserunt
Paene omnes, TV quocue nunc, DO-
CTE VIR, instruis,
Non hasta, aut gladio, letiferis sed neque glandibus,
Pugnare aggrediens, ingenio quin potius TVO.
Quod natura TIBI larga sagax praeiuit. arteque
Instructus varia. (Scilicet hoc talia proelium -
Vult arma.) Ergo quis est, qui faciat vel dubiam TIBI
Hic palmam? Cui jam sacra Themis praemia praeparat.*

*Ita NOBILISSIMO, atque eruditione varia singula-
rique probitate ac modestia, insigni, Dom.
MEYERO, Fautori, amico et Civit, suo longe
aestimabilissimo, eximium hoc doctrinae atque
industriae, specimen gratulatur*

M. Godofredus Wageners,

Ordin. Phil. Adj. & Lyc. Con. R. utriusque item Coll. Sen.

Du waffnest DZEH zum Streit, Gelehrter Meyer
Doch fällt DZEH dieses gar nicht schwer
DZEH ward die Rüstungs-Zeit stets wehrt und theuer
Drum ist DEHN Röcher jetzt nicht leer.

Mein Hoffen trifft gewislich ein,
Ich will DZEH nur durch dubiciren,
Zu dem gewünschten Kampf-Platz führen,
Dein Sieg wird sonder gleichen seyn.

*Durch diese wenige Zeilen wolte dem Hochgeehrtesten
Herrn Respondenten seine Ergebenheit zeigen und
sich zu dessen gütigen Andenken empfehlen*

Theodor Gotthüß Bahrdt.

D 3

So

So laß, Bekehrter, auch ein Herk die Früchte geben
Davon **DEIN** später Fleiß dem Vater Hoffnung
mach:

Du warest auch darauff bedacht,
Durch Kunst und Wissenschaft dich Himmelan zu heben.
Es machte **DZK** ganz feurig Geist und Blut
Ein ungemeiner Trieb, der **DZK** war eingepräget,
Der zu den Künsten Muth, zur Tugend Lust erregt,
Dieß führte **DZCH** zum höchsten Guth.
Jetzt wird der Fall ersetzt, jetzt wird das Herz erneuet,
Jetzt wird des Vaters Stamm erfrischt und ergötzt;
So, daß er solche Wurzel setz,
Die mit erwünschter Frucht das Vaterland erfreuet,
So Tugend ehrt und niemals unterdrückt.
Laß schweigen wer da will in unbekandtem Sande,
Du bist zu opfern **DZCH** bereit dem Vaterlande;
Zeuch hin, **DEIN** Vorsatz sey beglückt!

Mit diesen wolte zum Andenken und beständig
Freundschaft sich bestens empfehlen

Johann Ehrenfried Dvandt,
Med. C. & P.

Dum capias laudem, TIBI sunt permulta ferenda,
Nil natura parens absque labore dedit.
Hoc magis at MEYERE animum jam præmiis possunt,
Quæ Themidis natis porrigit æquâ manus.
Gratulor hæc hilaris, votis Numenque precabor,
Pluribus ut meritis TE cumulare velit.

Amicus tuus integerrimus

Carolus Fridericus Richter,
Jur. Stud.

Ein

Sind Fleiß, Gelehrsamkeit und Tugend solche Sachen,
Die ihren Mann berühmt und lobenswürdig machen,
So brauchst Du, werther Freund, auch meines Lobes
nicht,

Weil DEINE Gründlichkeit vor DICH am besten spricht.
Du zeigst von DIR selbst die allerschönsten Proben,
Und also muß das Werck auch jetzt den Meister loben,
Du gehst wohl gerüst in den gelehrten Streit,
Und DIR erhält den Sieg, der Schlüsse Bändigkeith.
Du hast die edle Zeit, die mancher so verschwender,
In unserm Elb: Athen vortreflich angewendet,
DEIN täglich muntre Fleiß ward niemals müd und matt,
Noch die Begierde, stets noch mehr zu wissen, satt.
Wie viel hat nicht von DIR DEIN Vaterland zu hoffen,
Wie schön ist nicht der Wunsch des Vaters eingetroffen,
Der seine eigne Müh so wohl belohnet sieht,
Und vor sein Capital die reichsten Zinsen zieht.
Wohlan! so nimm den Schmuck, den DIR die Themis
reicht,

Und der an Kostbarkeit auch keiner Krone weicht,
DICH kennt Justinian als seinen besten Sohn,
Von dem erwarte auch der den allerschönsten Lohn.

Durch diese wenige Zeilen wolte den Hochgelehrten
Herrn Respondenten zu gegenwärtiger Disputation
graculiren, und sich zu geneiarem Andenken be-
sond. empfehlen, dessen ergebenster Diener u. Vetter.

G. C. Alland,

Jatemb. Sax.

Es wird Hochwerther Freund! bey DEINEM
disputiren

Mein DIR ergebnes Herz in lauter Gluth gesetzt,
Du weist der Säge Reih so bündig auszuführen,
Daß DEIN Beweis davon die Gegner selbst erpözt.
Drum

Drum gönne mir es doch, wenn ich bey solchem Glücke,
Das DEINEN Fleiß becrönt, vergnügt und freudig
bin

Der Himmel zeige DIR noch ferner holde Blicke!

Dies schrieb ein treuer Freund zum
seinen Denkmahl hin.

Christian Gottlob Schubert,
Drieb. Pol.

Indole de clara testatur plagula praesens,
Certamen doctum plus dabit indicii.
Faxit & hinc patriae TVA quo fiet utilis orae
Doctrina, ingenii dexteritasque TVI.
Quam TIBI multipli leges peperere labore.
Conscriptae cura, JUSTINIANE, TVA.
Perge bonis avibus, fausto omine perge, PROPINQUE.
Qua Themidos TIBI met semita monstrat iter.

Ita Nobilissimo atque Doctissimo Dom. RESPONENTI,
ad praeclara quaevis nato, & in Musarum castris huc
usque strenue certanti, eximium doctrinae specimen
ex animo gratulatur civis atque cognatus.



1. F. Dennewiz,
Theol. Stud.

